

**Association AVOCA**

L'Ostal del patrimòni - Place Foch  
12000 RODEZ

**Projet de doublage et d'édition  
d'un dessin animé en occitan**



**Las tres bessonas e las sèt cabretas**

Roser Capdevila - Cromosoma - Televisió de Catalunya

Adaptacion en occitan lengadocian

Estela Gaffier - Marie-Odile Dumeaux - Michèle Ramos - Marie-Line Darres  
Olivier Dailhut - Jean-Pierre Gaffier

## INTRODUCCION

Òu! Anna, Teresa, venètz veire aquò!  
E ben! Agachatz quant de monde i a aquí!  
Es vertat! Qué devon ben poder far, totes amassa?  
I a fòrça mainatges! Òu! Cossí vos sonatz, dròlles e dròllas?

(crits)

A! Non!

Pas tan fòrt! Se cridatz aital podèm pas entendre res!  
Avètz vist que fan totes la meteissa cara? E perqué donc?

Devon esperar qualqu'un.

Qual esperatz, fantonèls?

(Las tres bessonas!)

Las tres bessonas!

Es vertat! Va començar còp sec!

E ieu me'n vau las agachar!

Ieu tanben!

Ò! E mai ieu!

## CANÇON

Un, dos, tres! Sèm tres bessonas  
Aventurièras de las bonas  
Viatjant al país dels contes  
Tres mirguetas avèm per vesinas  
E mai te cal entrar aici i aurà totjorn de que somiar  
Se la fachilièra nos castiga, un conte nòu te contarem

Un, dos, tres! A l'aventura  
Rescontram de creaturas  
Lops e nans, ògres e fadas  
E un chòt que sap pas çò que vòl

Un, dos, tres! La fachilièra  
La dessenam tota entièra  
Li fasèm quelques farsonas  
Un, dos, tres! Las tres bessonas

Un, dos, tres!

# 1 – Introduccion

**Esquiròl** : Am ! Am !

**Mèstra** : Dubrissètz plan los uèlhs los enfants, que deman vos caldrà far una redaccion sus l'animal que vos agrada mai.

**Garçon 1** : Òc-ben mèstra !

**Dròlla 1** : Òc-ben mèstra !

**Dròlla 2** : Òc-ben mèstra !

**Dròlla 3** : Òc-ben mèstra !

**Teresa** : Ieu, causissi lo leon.

**Anna** : Vòli veire los elefants.

**Elena** : E ieu los ipopotams.

**Mèstra** : I serem lèu.

**Esquiròl** : (*crits*)

**Jardinièr** : (*mmm*)

# 2 – Las cabras

**Mèstra** : Una causa après l'autra. Aquestes mamifèrs son de cabras salvatjas. Son d'animals fòrça vius e grands escalabraires.

**Teresa** : Bò Las tròbi puslèu entestesidas.

**Elena** : Pas estonant, demòran totjorn embarradas, pauròtas !

**Anna** : Vos i vesètz darrièr aquelas cledas ?

**Mèstra** : Venètz (dròlles) contunham, qu'avèm maitas bèstias de veire.

**Teresa** : Qual sap ? Pensatz coma ieu ?

**Elena** : De segur ! Aquelas cabras serián tan contentas de se passejar liurement !

**Anna** : Pensam totas tres parièr.

**Teresa** : Agachatz ! Lo cledon es pas clavat !

**Anna** : Mesfisa-te ! Nos van escapar !

**Bessonas** : (*rires*)

**Cabras, esquiròl, jardinièr, gents** : (*crits diversès*)

**Anna** : Que son contentas !

**Teresa** : Òc-ben lor trigava de sortir.

# 3 - La masca arriba

**Masca** : Sètz calugas ! De qué vos a pres de delargar aquelas bèstias ?

**Elena** : Fasián tan trista mina.

**Masca** : Sabètz qu'aquelas bèstias pòdon venir dangierosas ?

**Anna** : Dangierosas ? Aquelas pauras cabretas ?

**Boc** : (*mordís*)

**Masca** : È ?

**"Zibo"** : F,f,f

**Masca** : È, tu ! Tòrna-me lo capèl, paucval !

**Bessonas** : (*rires*)

**Masca** : On... (*mascanha contra lo boc*)

**Bessonas** : (*rires*)

**Masca** : A son mistofletas las cabretas ! E ben, bon viatge !

## 4 – Lo vilatge de las cabras

**Cabras** dins lo vilatge : (*crits, bruches...*)

**Bessonas** : Èm !

**Anna** : U ?

**Teresa** : U ?

**Cabridon 1, 2** : (*canturlejan*)

**Femela1** : A ! a !

**Teresa** : Ont sèm ?

**Elena** : Te sabi... mas, vesi pas degun per carrièra.

**Anna** : Deu èsser un vilatge de pastres: aquò sentís a lach.

## 5 – Mamà e sos cabrits

**Cabridons** : (*bevon*)

**Maire cabra** : Ara, escotatz-me plan que vos vau dire quicòm.

**Cabretas** : Mm ?

**Maire cabra** : Tu tanben Si, escota...

**Si** : Òc-ben, mamà. (*ròta*)

**Cabretas** : (*rison*)

**Maire cabra** : Escotaz-me, fantons ! Uèi, vos daissarai solets tota la jornada que me cal anar veire la tatà. Vos cal me prometre que dobriretz pas la pòrta a degun del temps que serai defòra. Comprés ?

**Do** : Mas perquè, mamà ?

**Maire** : Perque lo lop ròda empr'aquí e vos manjariá en un virat d'uèlh ! Me soi plan explicada pichonèls ?

**Cabretas** : (*tremòlan*)

## 6 – Lo despart de la mamà

**Elena** : Pff ! Soi aganida a dicha de montar e de sentir aquela odor de lach.

**Anna** : A, a, a, a, a (*alena*)

**Teresa** : Ont trobarem de que manjar ? Tustem a n'aquela pòrta.

**Maire cabra** : Me'n vau, ara. Oblidètz pas çò que vos ai dich, vos cal pas dobrir a degun fins que tòrne. E atencion, lo lop es rusat e vos jogariá mai

d'un torn. Comprés ?

**Maire cabra** : E, tu Si, e mai siagas lo pus pichon, compti sus tu per parar las tias sòrres.

**Si** : Te calcines pas, mamà ! Que venga puntar lo nas, aquel bogràs de lop, e li saqui un mèstre còp de bana.

**Maire cabra** : Barratz la pòrta e clavatz-la coma cal d'acòrd ? Anem, an'aqueste ser, fantonèls.

**Cabretas** : Adieu mamà. Tòrna lèu !

**Mirgas** : (*rison*)

## 7 – Lo rencontre

**Teresa** : D'aquel ostal, ven de sortir una cabra. I deu demorar un pastre. Nos ajudarà ben.

**Si** : Soi lo missant lop !

**Re** : Arrèsta ! Aquò nos fa pas rire !

**Teresa** : I a qualqu'un ?

**Si** : Es lo lop ! (*las cabretas cridon e se van rescondre*)

**Elena** : Vesi pas degun. Me pensi qu'es clavat del dedins.

**Teresa** : Ai una idèia ! Ensagem de pescar la clau.

**Cabretas** : (*tremòlan*)

**Teresa** : Aquò i es ! La tenèm.

**Elena** : Sembla un ostalet coma dins los contes.

**Teresa** : I a sèt liechons.

**Elena** : Benlèu qu'es l'ostal de Blancanèu e los 7 nanets.

**Teresa** : Non pas, que los nanets s'apèlon pas Do, Re, Mi, Fa, Sòl, La, e Si !

**Elena** : As razon, deu èsser l'ostal d'un grop de musicaires.

**Si** : Atchoom !

**Teresa** : E ! d'ont sortisses, tu ?

**Si** : Los lops me fan pas paur, comprés ?

**Elena** : Qué nos contas aquí ?

**Do** : Toquètz pas lo nòstre frairòt !

**Elena** : E ! L'avèm pas tocat. Es el qu'a començat.

**Anna** : O !

**Sol** : Sètz lo lop òc o non ?

**Elena** : De que ? Lo lop ? Nosautras ? Non pas cèrtas ! Qual vos a dich aquò ?

**Sol** : La mamà nos a dich que vendriá.

**Teresa** : Ara compreni ! Son los sèt cabridons. La masca nos a mandadas dins lor conte.

**Elena** : La vòstra mamà vos a pas explicat de que sembla lo lop ?

**Cabretas** : Noooooon !

**Teresa** : Lo lop es un animal plan gròs, negre e borrut, amb un morre longàs e d'aurelhas ponchudas, e es totjorn missant dins los contes. (*crits de paur*)

## 8 – La companhiá del gas

**Teresa** : Qual es ?

**Lop** : Companhiá del gas, veni relevar lo comptador.

**Anna** : Dobrissem-li.

**Si** : Non pas, espera ! Lo nòstre fornèt crema pas que de lenha.

**Elena** : N'i a pas, de gas dins aqueste ostal !

**Lop** : Vos ai dich gas ? Sens cervèla que soi ! Voliái dire aiga ! Soi vengut legir lo comptador de l'aiga.

**Teresa** : Alara, engulhatz vòstra carta d'emplegat dejós la pòrta.

**Lop** : Ma carta d'emplegat ? De segur ! Aquò rai. L'avètz aquí !

**Teresa** : Es lo lop.

**Cabretas** : Es lo lop... lo lop.

**Si** : A !

**Teresa** : Tira-te d'aquí, missant lop, que sabèm ben qual siás ! Vai te'n ! ??????

**Lop** : (*rondina...*)

**Cabretas** : (*tremòlan*).

**Elena** : Podètz sortir, se n'es anat.

## 9 – Lop e masca 1

**Lop** : Ieu soi un lop, me cal manjar de cabridon. (*romega*).

**Masca** : Es ben triste de veire un paure lop aganit...

**Lop** : E ? De qué ? Malfisa-te, masca. M'ajudas a dintrar dins aquel ostal o seràs tu mon dejunar !

**Masca** : Suau, tot suau... ! Te vau ajudar. Per la paga, me vau divertir un pauc. Tè, pren-te aquela pastilha magica: te farà la votz mai fina. E carga-te aquelas caucetas blancas, se jamai te demandan de passar la pata jos la pòrta.

**Lop** : Dona-me la ! Espèri qu'aquò marcharà, se que non (*votz aguda*)... È ! Aquò i fa ! Ma votz a cambiat. E mas patas son tan blancas coma las d'un anhelon.

**Lop** : (*rires*). Segur que me coneisseràn pas !

**Masca** : Espèra un pauc, te manca quicòm... Aquí ! (*ris*)  
Deguisat en vendeire d'enciclopedias, te coneisseràn pas.

**Lop** : (oh oh...)

## 10 – Lo vendeire de libres

Tòc tòc tòc...

**Teresa** : Qual i a ?

**Lop** : Bonjorn, domaisèla ! De problèmas a l'escòla ?

**Cabretas** : (*tremolan*)

**Lop** : Vendi d'obratges indispensables a la bona educacion dels cabridons.  
Me daissatz dintrar un momenton ?

**Teresa** : (h...h...) Cresi qu'es un vertadièr vendeire de libres... Vos fariá pas res de passar lo pè jos la pòrta ?

**Lop** : Òc-ben segur ! Amb grand plaser ! (*ris*)

**Si** : A la pata blanca !

**Do** : Mm.

**Anna** : Dobrissi.

**Teresa** : Espèra, Anna. Quin es lo títol dels libres que vendètz ?

**Lop** : Per qué ? Lo títol dels libres ? Òc-ben, òc-ben, eu...

**Anna** : Me sembla qu'aquel vendeire de libres sap pas legir...

**Teresa** : Es curiós aquò, non ?

**Elena** : E se jamai èra...

**Si** : Al lop !

**Re** : Al lop !

Al lop !

## 11 – Lop e Masca 2

**Lop** : (*romèga e atrapa la masca*)

**Masca** : Aï !

**Lop** : Escota-me, masca ! Se m'ajudas pas a dintrar dins l'ostal, te mangi sul pic amb ton capèl e tot. Ai talent !

**Masca** : E, espèra ! A !

**Lop** : Ai talent ! Comprenes ? Soi aganit !

**Masca** : Doçament ! T'embufes pas... M'as donat una bona idèia. Sabi cossí te far dintrar. E marcharà !

**Lop** : Qué m'as fach ? Qu'es aquel sembla-campairòl que m'es nascut sul cap ?

**Masca** : Es un casco, bestiàs ! Figura-te que siás un liuraire de pizza. Segur que las dròllas son tan aganidas coma tu.

**Lop** : Espèri que... aqueste còp, la me dobriràn, la pòrta !

## 12 – Lo liuraire de pizza

Tòc tòc tòc...

**Anna** : Qual es ?

**Lop** : Es lo liuraire de pizza

**Elena** : Nos pòrtan una pizza ! Òsca !

**Teresa** : Oh ! OUBLI

**Anna** : Mas avèm pas comandat cap de pizza !

**Elena** : Daissa-me l'agachar !

**Anna** : Uh !

**Elena** : La vòli juste niflar...

**Anna** : Espèra ! Mostratz-nos lo pè dejós la pòrta.

**Lop** : Còp sec !

**Si** : A lo pè blanc !

**Cabretas** : Tan melhor ! Ai agut paur ! Manjarem de pizza !

**Anna** : Ò...

**Elena** : Va plan, alara dobrissi la pòrta. Me congostijà d'aquela pizza !

**Anna** : Oh !

**Lop** : ... *(se lèca los pòts)*

**Anna** : Non ! Dobrigas pas ! Es lo lop !

**Teresa** : Anem, butatz ! Butatz !

**Anna** : La podèm pas barrar la pòrta, i a cunhat lo morre dedins !

**Elena** : Ont son los cabridons ? Nos poirián ajudar !

**Lop** : Balhatz me aqueles cabridons ! Son meus !

**Si** : Sarratz-vos... I vau !

**Lop** : (grr) Los vòli !

**Lop** : Ai ! Ai ! Ai ! Ai ! Ai ! Ai !

**Teresa** : No'n sèm sortits ! lo ! lo !

**Anna** : Lo pichon Si nos a salvats ! Òc-ben !

**Teresa** : Qu'es valent !

**Elena** : Òsca ! Òsca !

**Teresa** : Oa ! Oa !

## 13 – Ultima trapèla 1

**Lop** : Ara n'i a pro ! N'ai un cofle ! Me vau contentar de cruscar una masca !

**Masca** : Òòò ! T'embufes pas ! Sabi lo bon biais d'enganar aquels cabridons, a mai la maire.

**Lop** : E ben, t'escoti !

**Masca** : *(rire)*

**Lop** : E ! Que se passa ? De qué m'arriba ?

**Masca** : T'ai cambiat d'a fons : ara revèrtas perfiechament lor maire. Un lop dins una pèl de cabra, s'es pas jamai vist ! *(se rís)*.

**Lop** : Me reconeissi quitament pas pus, ieu !

**Masca** : Los cabridons tanpauc ! Anèm, ensaja !

## 14 – Ultima trapèla 2

**Teresa** : Siás estat plan coratjós, Si !

Tòc, tòc tòc...

**Do** : Qual es ?

**Lop** : Soi ieu ! Soi la mamà !

**Si** : Enfin la mamà es tornada ! Òsca !

**Cabridetas** : Òsca ! Òsca ! *(contentas coma de perdigals)* TON MOLIGAS

**Si** : Lèu crentarem pas pus lo lop !

**Do** : Espèra ! Nos cal èsser segur qu'es plan la nòstra mamààà !

**Si** : As razon ! Mamà fai-nos veire la pata !

**Do, Re, Mi, Fa, Sol, La, Si** : Òc ! Es ela ! Es la mamà ! ... Es aquí ! Es tornada ! Òsca !...

**Teresa** : Sabi pas per de qué mas, me sembla qu'es encara una trapèla.

**Si** : (nifla). Es la mamà, reconeissi sa flaira !

**Do** : E ben, anem-z-i ! dubrissem-li la pòrta !

**Teresa** : Non, esperatz un moment ! Demandatz-li cossí vos apelatz ?

**Elena** : Es vertat, s'es lo lop, saurà pas cossí vos apelatz...

**Do** : D'acòrdi

**Masca** : Vas veire ! Aqueste còp soi segura que dobriràn !

**Do** : Mamà ! Cossí nos apelam ?

**Lop** : De que ? Me cal vos rapelar los vòstres pichons noms ? Per que ? Los avètz doblidats ?

**Do** : Nos agrada que lor=s diguèsses

**Lop** : E ara, que lor disi ?

**Masca** : Ai ! Ai ! Ai ! ...Sabi pas !

**Lop** : E tu ?

**Chòt** : Qué ?

**Masca** : Dintra dins l'ostal e dona-me los pichons noms dels cabridons.

Afana-te !

**Chòt** : O ! (*cria*)

**Do** : De que i a mamà ? Sabes pas mai cossí nos apelam ?

**Lop** : Em, em ! Desencusatz-me, raucalegi. A ! Aquò va melhor !

**Chòt** : Chòt a Masca, m'ausisses ? Chòt a Masca, soi dedins.

**Masca** : Afana-te capleugièr, si que non lo lop me va manjar amb de patanas e tu faràs per dessèrt.

**Chòt** : Alara, vaquí lo nom dels cabridons : Do, Re, Mi, Fa, Sol, La...

**Masca** : Do, Re, Mi, Fa, Sol, La...e...

**Chòt** : Quina es aquela nòta ? La pòdi pas legir ! Es mièg escafat...

**Masca** : De que me contas aquí, Chòt ? Anem diga-me çò que i a après La.

**Si** : E ieu, alara ?

**Chòt** : Me sembla qu'es Si.

**Masca** : De qu'espèras per zo me dire ?

**Chòt** : Lo darrièr nom es Si.

**Masca** : Si !

**Lop** : E Si !

## 15 – La victòria del lop

**Cabridetas, bessonas** : Es, la mamà (*rires...*)

**Do** : Alara podèm dubrir ! Es la mamà !

**Teresa** : Vai-z-i, dobrís la pòrta.

**Lop** : (rifanha) A polidonets ! Venètz pas far un potonet a la vòstra mamà...

**Do, Re, Mi, Fa, Sol** : qué ?

**Si** : Al secors !

**Lop** : Venètz veire la mamà ! Vos vau manjar de potons ! (*rires de lop*)

**Teresa** : Ò ! Es lo lop ! Viste ! Amagatz-vos !

Totes : (*cris de paur*)

**Teresa** : Non ! Endacòm mai ! Rescondèm-nos dins lo relòtge.

**Masca** : Aqueste còp i, siás.

**Lop** : Ara me vau plan amuser. (*se rís*) Sabi pas per ont començar.

**Masca** : leu tròbi pas plan polit de secutar sèt paures cabridons.

**Lop** : Estrechís-los un bocin, los manjarài totes al còp.

**Masca** : M'as donat una bona idèia.

**Do** : Mas de qué se passa ?

**Bessonas cabridetas** : Estrechissèm !

**Lop** : Qu'es aquò aici ? L'aperitiu ! (*rifanha*)

**Maire cabra** : Me triga de tornar a l'ostal. Me fau un sang de vinagre quand daissi los enfants totes sols tant de temps. Baste que lor siaga pas res arribat.

**Lop** : Vau far prangièira a la broa del riu.

## 16 – Lo tornar de la mamà

**Maire cabra** : Ò ! Perqué la pòrta es dubèrta ? Ont son los meunes drollets ? Ai ! Es vengut lo lop e me los a manjats. Ò cabridonèls meus !

**Si** : Mamà ! Siás tornada !

**Maire cabra** : Si ? Siás tu ? De que t'es arribat, manhac ? Aquò's curios, òm diria que t'an passat dins la maquina de lavar e que se son enganats de programa !

**Teresa** : Aquò's la masca missanta !

**Maire cabra** : Mas qual siás tu ?

**Si** : S'apèla Teresa ! Ela e sas sòrres nos an ajudat a luchar contra lo lobatàs !

**Maire cabra** : A ? E ont son tas sòrres ?

**Si** : Dins lo ventre del lop !

**Maire cabra** : O non !

**Teresa** : Vos inquietètz pas ! Los anam tirar d'aquí. Lo lop es anat far prangièira a la broa del riu.

**Maire cabra** : E ben anem-z-i ! Se l'atrapi, aquel paucval, saurà cossí m'apèli !

## 17 - Lo ventre del lop

**Elena** : Quin roncaire ! Se pòt pas dormir aici. Quita pas de bolegar !

**Anna** : Sabi pas cossí pòdes pensar a dormir dins los passes que sèm !

**Do** : Tornarem pas mai veire la nòstra mamààà !

**Teresa** : Es alai.

**Si** : Agachatz ! A lo ventre que bolèga !

**Maire cabra** : Aquò vòl dire que van plan ! Li anam dobrir la pança, los tirarem de dedins e lo claufirem de pèiras.

**Teresa** : Aquel conte s'acaba totjorn parièr. Se poiria pas far quicòm pel paure lop aqueste còp ?

**Maire cabra** : De qué ? Aprèp tot çò que nos a fach !

**Teresa** : Se lo monde èran pus aimables amb el...Seriá pas tant aissable.

**Si** : Ai una idèia ! Botam-li de pèbre al nas, estornicarà e sortirà las miás sòrres.

**Maire cabra** : Òc-ben, mas lo pèbre li poiriá donar set e se s'emplís la pança d'aiga, las dròllas se negaràn.

**Teresa** : Ai ai ai, avètz plan rason ! Que podèm faire ?

## 18 – Lo riu

**Do** : Fa escur !

**Elena** : Anna, as pas una brústia d'aluquetas ?

**Anna** : Si-ben, l'ai trobada. Agachatz i a un tunèl empr'aquí.

**Elena** : Deu èsser per aquí que sèm dintradas.

**Anna** : E-ben, tornarem sortir per aquí.

**Lop** : Ai ! L'estomac me dòl ! Aurai tròp manjat !

**Totes embarrats** : (*crits*)

**Maire cabra** : Ò non ! Lo lop beu d'aiga, se van negar !... Nos cal salvar lo lop per poder salvar las pichonas .

**Lop** : Ajuda ! Me negui !

**Bessonas e cabridetas** : Ajuda !

**Teresa** : Fai lo mòrt !

**Lop** : A ...cossí me cal far ?

**Maire cabra** : Estira-te d'esquina e daissa-te portar pel corent !

**Si** : Seguissem-lo, se'n va !

**Teresa** : Espèra-me lop ! Arribi ! (*sauta*)

**Lop** : Ajuda-me se te plai !

**Teresa** : Te vau butar cap a la riba. E mai es pro plasent...

**Lop** : I a pas de que rire...

**Teresa** : Bon Dieu !

**Lop** : Qué ? De que se passa ?

**Teresa** : Ten-te plan ! ... Of ! L'avèm pescada bèla ! (*Lo lop tossís*) ... (*crit de Anna*) ... Anna ! Que soi contenta de te veire ! ... (*Lo lop tossís encara*)...

Òsca, sèm totas amassa !

## 19 - Fin

**Masca** : Quina missanta pesca, ça que la ! Aganti pas que de fissadas de mosquilhs ! Me faràn venir capborda !

**Teresa** : Quin domatge ! I a pas pus de rajòls.

**Lop** : Ai pas jamai agut tan paur de ma vida.

**Teresa** : Que vos serviga de leiçon ! Quitatz d'espaurugar los cabridons.

**Lop** : Vos aprometi, zo tornarai pas far. Tiratz-me d'aquí e me farai vegetarian ! Zo prometi !

**Bessonas e cabridetas** : Òsca !

**Masca** : Enfin, a picat un peis ! A mai me sembla plan gròs.

**Bessonas e cabridetas** : (*estonadas*)

**Elena** : Tornam enrè !

**Anna** : Aquò's curios !

**Masca** : Nom d'un balajon ! Agachatz me un pauc aquela presa ! Mas... de que fasètz aquí ?

**Si** : Bonjorn, sorretas !

**Mi** : Mamà ! Quina jòia !

**Lop** : Enfin, la riba ! Quin plaser de tornar prautir nòstra bona tèrra.

**Masca** : Ai encara mancat çò melhor. Sètz tròp pichonets, vos pòdi pas veire.

**Teresa** : Ara i sèm ! Sèm tornadas coma abans !

**Anna** : Cresètz !

**Maire cabra** : Digatz me Senhèr lop ! N'avètz pas pro de secutar los cabridons ?

**Lop** : Si-ben, si-ben ! Zo farai pas mai ! Paraula de lobatàs ! Pr'aquò, sabètz pas çò que pensi ?

**Maire cabra** : De qué ? Voldriatz que montèssem ensemble un negòci de locacion de batèus benlèu !

**Anna** : E tu seriás lo batèu.

**Lop** : Non, vendriái las bilhetas.

**Totes** : (*rires*)

**Masca** : Sabi pas cossí fan las bessonas, mas se'n tiran totjorn plan ! Anem zo ! Cap a l'ostal !

## 20 – Epilòg

**Mèstra** : Alara, sabètz de quin animal parlaretz dins la vòstra redaccion ?

**Escolan** : leu, parlarai del dalfin !

**Mèstra** : E vosaltras dròllas ?

**Elena** : Dels cabridons de segur !

**Mèstra** : Ah òc ! E de que se pòt dire dels cabridons !

**Elena** : (*rires*) Tantas causas !